



Weekly Current Affairs (Tualchung) (1st – 19th January, 2024)

1. Myanmar sipai 151, an camp Arakan Army-te'n December 28, 2023-ah an lak avanga December 29-a Lawngtlai district chung, Tuisentlanga Assam Rifles hmuna tlanche lutte chu January 2 chawhnu lam khan Myanmar thlawhna hmangin Lengpui Airport atangin an ram lamah hruai haw an ni.

MYANMAR SIPAITE'N RALTHUAM AN RAWN

LUHPUIE

1. Rifle - 93
 2. Pistol - 17
 3. Rocket Propelled Grenade (RPG) - 4
 4. Mortar - 4
 5. Medium Machine Gun (MMG) - 2
 6. Light Machine Gun (LMG) - 5
 7. Sniper rifle - 4
 8. Hand grenade – 374
2. **Agriculture minister PC Vanlalruata** hoinAgriculture department hotute'n January 3 khan kum 2023-24 chung kut hathawktute hamthatna tur sorkar laipui scheme hrang hrang hmanga hmasawna hna kalpui dan tur an sawiho. Minister chuan, Aizawl kawtchhuahah wholesale market pali din a nih dawn thu a sawi. Thutkhawm hi Agriculture secretary H Lianzela'n a kaihruai a; kut hathawktute tana hamthatnacentral scheme chi hrang hrang Agri-culture department-in a kalpui mekte leh a hmachhawp mekte

sawihonih bakah, kum 2024-25 chung hmalak dan turte sawiho a ni.

3. Thisen pek uar tura mipui zirtir paha kea kal kual mek **Kiran Verma**, Simply Blood dintu chuan December 28, 2023 khan chief minister Lalduhoma a pisaah a hmu a; CM chuan a kal zelna turah duhsakna a lo hlan. Kiran Verma hian kein India ram a fang mek a, km. 21,000 kal a tum a, December 28, 2021 khan Thiruvananthapuram atangin a kal tan a ni. A thupui ber chu 'Thisen dawn tur neih loh vangin tu mah December 2025 hnu lamah an thi tur a ni tih a ni.

MPSC (Group A) ADMISSION OPEN
8 Months Course

Last Exam Results
• Combined UDC EXAM
• Asst. Controller of Mines

Fee Structure
(Installation & Pak Thak)
Prelims + Mains : ₹ 28777
Prelims Only : ₹ 17777
Mains Only : ₹ 19777
Chamrari & Khatla
Morning Shift | Online & Offline

Commencement of Class : 13.02.2024

9232015747 | 7085941799
9615270328

ZAWLBUK IRNA RUN
"Lalpa tih hi finna bul a ni"

4. **Sports & Youth Services minister Lalnginglova** Hmar chuan January 3 khan a pisaah Indian Weightlifting Federation (IWLF) National Weightlifting Championship 2023-2024 gold medalist

Jeremy Lalrinnunga lawmpuina a hlan. IWLF buatsaih National Weightlifting Championship 2023-2024 hi December 28, 2023-ah tan a ni a, January 8, 2024 thleng a aw h dawn. Jeremy-a hian kg. 67 category-ah gold medal a la a ni.

5. Kum 2023-24 financial year chhunga Aizawl Municipal Corporation (AMC) budget chu cheng **nuai 11,731.81 a ni ta** a; budget zinga 81% chu khawpui tihmasawna atan hman a ni dawn. Financial year kal meka sum thawh chhuah chu kum dang aia a tam thu leh cheng nuai 1001 a nih thu an sawi bawk. Financial year 2023-24 chhungin sorkar laipui atangin cheng nuai 6,564 dawn beisei a ni a, state sorkar atangin cheng nuai 2,324 dawn beisei a ni.
6. 7th Elite Women National Boxing Championship 2023- a h Mizoram Boxing Association (MIZBA) chuan hmeichhe boxer pasarih an tir a, Vaivakawn Zohnuai boxer **Lalfakmawii Ralte chuan 81 kg categoryah silver medal a la.** Inelna hi December 21-27, 2023 chhung khan Noida, Uttar Pradesh-ah neih a ni a, Fakmawii hian final-ah Haryana boxer Saweety Boora a

hneh lo. Kum 30 mi Saweety hi World Championships-a gold medal la lai a ni a, mipa leh hmeichhia huam vekin Indian boxer zinga world champion ni thei pasarihna a ni.

7. Youth National Weightlifting Championship-ah **Lalruatfela chuan Mizoram tan 81kg huangah silver medal a la.** Mizotlang val Lalruatfela hian snatch 125kg, clean & jerk 155kg, total 280kg chawin pahnihna a ni. A tluk loh chu Maharashtra mi Sairaj Pradeshik niin, ani hian snatch 133kg, clean & jerk 161, total 294kg
8. Chief minister **Lalduhoma chuan January 4 khan prime minister Narendra Modi** chu a chenna inah a kawm a, Myanmar atanga Mizorama raltlante chu tha taka lo tuamhlawm an duh thu a sawi. CM hian January 3 vek khan Union Road Transport & Highways minister Nitin Gadkari a kawm a, January 3, Nilaini khan External Affairs minister Dr S Jaishankar nen an inkawm bawk.
9. Lokayukta chuan Khawzawl Tourist Lodge sakna sum tichingpena Tourism minister hlui **John Rotluangliana puhna thubuai a titawp a, 'Sorkar sum tihchingpen a ni lo'** tin Chief Secretary/Chief Vigilance Officer hnenah thubuai tihtawpna lehkha a theh lut. Khawzawl Tourist Lodge sakna atan hian New Economic Development Programme (NEDP) huaiah cheng nuai 67.49 ruahman a ni a, NEC atangin Tourist Lodge sakna tur hmuh a nih leh si avangin cheng nuai 67.49 chu bill ba atan pek a ni.
10. Excise & Narcotics department (END) chuan kum 2023 chhung khan **zu chi hrang hrang litre 94,609 leh um 33,680**

MPSC (Group B) ADMISSION OPEN
3 1/2 Months Course

Last Exam Results
 • Combined UDC EXAM
 • Asst. Controller of Mines

Course Structure
 Chamari & Khatla Branch
 Morning Shift & Evening Shift
 Online & Offline
 Morning : 6:30-8:15
 Evening : 5:00-6:45

Course Fee
 ₹6777

Commencement of Class : 12.02.2024

9233015767 | 7085941799
 96152 70328

ZAWLBUX ZIRNA RUN
 "Sakna thir hi, Fozna hual a ni"

an man.END hian January-December 2023 chung khan rakzu litre 93,969.230 an man bakah, zu bilh lai t'n 2,03,623 an man a, zu siamna hmanrua - bé1 2,910 leh dawidim kg. 604.643 an man a ni.

11. Mizoramah kum 2023 chung khan **ruihhlo vangin mi 76 an thi a**, tun hnai kum 19 chung a ruihhlo vanga thi an tam ber kum a ni a; Mizoramah ruihhlo vangin mi 1,812 an thi tawh.Excise & Narcotics department (END) chhinchhiah danin, ruihhlo vanga kum 2023 chung a thi mi 76-te chu mipa 64 leh hmeichhia 12 an ni. Ruihhlo vanga thite chu heroin leh ruihhlo dang tih pawlh vek an ni a, an ruih thin ber chu heroin a ni.

12. **Revd Chuauthuama** (76) h/o Lalchumi, RamhlunVenglai chu January 4, Ningani zan dar 10:20 khan lung tha lo vangin Ebenezer Medical Center-ah a thi a, zanah an inah lumen a nih hnuah January 5 khan vù1 a ni.

13. Chief minister **Lalduhoma** chuan January 5 khanKolkata-a British deputy high commissioner **Dr Andrew Flemming** chu a pisaah a tlawh a,Mizoram leh Mizo thalaite tana British sorkar leh Mizoram thawh dun theih dan turte an sawi dún. Inkawmnaah hian mau hmanga bio-ethanol siamna tur project tan thuai dan tur te, hydro electric power leh kawngpui tha nei tura thawhho dan tur te, Britain-a Mizo nurse tam zawk thawn luh dan tur te, Mizo thalai British Army-ah tam zawk an luh theih dan turte an sawi dun a; a tul anga bawhzui zel an remti a ni.

14. School Education minister **Dr Vanlalhlana** hoin January 5 khan School Education directorate conference hall-

ah **Samagra Shiksha Annual Work Plan & Budget 2024-25, 2025-26** atana rawnate thlirho a ni. Minister chuan, sorkar chu huaisen taka a kal dawn thu a sawi. Samagra Shiksha AWPB thlirhonaah hian **UDISE** hnunung berah private school-ah zirlai inziak lut an tlakhniam nasat thu tarlan a ni a; a chan chu - private school-te'n zirlaite chungchang ziah luhna SDMS-ah Education department an thawhpui that tâwk loh vang a nih thu tarlan a ni. Private school-a enrolment tlahniam vangin naupang tam tak tak sikul kal lo anga a lan thu tarlan a ni bawk.

15. **Champhai Police Station** chu Union Home Ministry in Annual Ranking of Police Stations for 2023 a tihchhuahah India rama **police station tha ber palinaah than niin, certificate of excellence hlan a ni**.Police station tha award hi All India Conference of Director Generals/Inspector Generals of Police,January 5-7, 2024 chhunga RajasthanInternational Centre, Jaipur-a neihah puan a ni.

ZAWLBK ZENA RUK
"Zaijap th hi fenna bul a ni"

CONGRATULATIONS

S. Lalthanga
RRB CLERK

K. Lalthanga
RRB PO

**Bank Exam Coaching 2024
Admission Open**

Classical Branch: Morning shift - 8:30 to 9:30, Evening Shift - 4:30 to 6:30
Office & Online: Free Study Material, Free Video Access
Course Fee: Open 2 seats in Rank (1000 - 5771) - ₹ 6111
Course Duration: 3 Months
Commencement: 12 February

923303767 | 708941099
8575200109

16. Urban Development & Poverty Alleviation (UDPA) minister **K Sapdanga** kaihhruiin January 4 khan UDPA conference hall-ah Champhai Master Plan leh Aizawl Sustainable Urban Transport Project-a hmalakna leh hmachhawpte sawiho a ni. Minister chuan, Champhai Master Plan hnuaih leilet zawl humhalh chung a hmalak a pawimawh thu a sawi. ASUTP hi Asian Development Bank leh Mizoram sorkar tangkawp kaltlanga thawh theih a ni a, comprehensive mobility plan (CMP) zawh a ni tawh. Project 60 bawr vel tarlan niin, chu'ng zinga kalpui hmasak tulte leh state-in a tum ve tur leh a kalpui theih dan turte sawiho a ni.
17. Excise & Narcotics department (END) chuan kum 2023 chung khan heroin **kg. 79.359** man a, hei hi a hma kum thum kal ta chung a man aiin a tam zawk.
18. Mizo coach pathum **Lalruatlina Sailo (Vaivakawn), Victor Lalbiakmawia (Mission Vengthlang) leh Stephan Tawnthansanga** (Muthi) te chuan Asian Football Confederation 'A' Licence Coach an pass thar.

19. Kumina Lok Sabha inthlanpui awm tura hman tur Mizoram electoral roll siamna atan district hrang hranga bawrhshapte chuan January 6, Inrinni khan draft electoral roll an tangzarh. Draft roll-ah hian voter 8,52,500 an awm a, mipa 4,13,473 leh hmeichhe vote nei 4,39,030 an ni. Mizoram electoral roll ennawnaah hian January 22, 2024 thleng thun luh dilna leh tihdanglam dilna hun hawn a ni a, January 1, 2024 leh a hma lama kum 18 tlingte thun luh theih a ni. Final electoral roll chu February 8, 2024-ah tlangzarh a ni ang.

20. Sorkar laipua **Road Transport & Highways minister Nitin Gadkari** chuan tun hnai khan Aizawlkhawpuia lirthi tawt tihziawmna tura leiverh kawng, Twin Tube Uni-directional Aizawl Bypass Tunnel siamna tur sum **vbc. 1,313.28 pek (sanction)** a nih thu chief minister Lalduhoma arawn hriattir. Sorkar thuchhuah tarlan danin, sum hmanna tur chu National Highway no. 6 (Sairang leh Phaibawk inkar)-a km. 2.5-a thui lei verhna tur leh a luhna (approach road) km. 2.1-a thui siamna tur a ni a; a vaiin km. 4.60-a thui thawhna tur niin, package-2 huam chhunga mi a ni.

21. **Food, Civil Supplies & Consumer Affairs (FCSCA)** Director chuan office order tichhuakin, an department hnuaih fair price shop dealer/retailer-te chu thla tluanin dawr an hawng ngei ngei tur ani tih a tarlang.

22. Prime minister Narendra Modi chuan January 8 khan **Viksit Bharat Sankalp Yatra** hmalakna hnuaih India rama kut hnathawktu thlan chhuahte biak hmuhna (video conferencing) kaltlangin a kawm a, Mizoramah pawh MC Hall, Durtlangah kut hnathawktute'n an



chhim.PM Narendra Modi chuan, India-in kum 2047 ral hmaa ram hmasawn/ram changkang nih a tumnaah agriculture sector pawimahnate a sawia; VL Hruaia Ralte, Durtlang North chuan kut hna-thawktute aiawhin Prime Minister hi organic farming chungchang a sawipui.

23. Food, Civil Supplies & Consumer Affairs minister B Lalchhanzova kaihhruiin January 8 khan a pisaah sorkar hotute'n Mizorama **tuialhthei dah khawlina (oil depot)** siam dan tur an sawiho. Thutkhawmah hian FCSCA secretary KT Beicho, Land Revenue & Settlement secretary Zarzosanga, FCSCA director Zodingpuii, LRS director Vanlalthiama, Guwahati-a IOC chief general manager (operations) Nitin Bhatnagar leh deputy general manager (operations) DK Pathakte bakah official dangte an tel.

24. Chief minister **Lalduhoma leh Nagaland deputy chief minister Y Patton** chu January 8, Thawhtanni khan CM Banglaah an inkâwm. Y Patton chuan, Mizote ang thoin Naga mipuite'n India leh Myanmar ramri hung an duh loh thu a sawi.

25. Aizawl district bawrh sap **Nazuk Kumar kaihhruiin** January 9 khan a pisaah tourism tih hmasawna tur scheme, **Swadesh Darshan 2.0** hnuai Destination Management Committee anthukhawm a, Aizawl leh a chehvela tourism tih-hmasawn dan tur an ngaihtuah. Thutkhawmah hian Destination Management Committee hnuai hmalakna - marketing & promotion, skilling & capacity building, IT & digitization, investment & public private partnership leh

sustainability/travel for LiFE chungchangte sawiho a ni.

26. **Border Security Force (BSF) 38th Battalion chuan Civic Action Programme** hnuai January 9 khan **Rajivnagar Higher Secondary School-ah** kut themthiamna lam, **thiamhnáng (handicraft)** deh zirna an buatsaih a, 38th Bn. BSF Commander-in a hawng. 38th Bn. BSF hian Rajivnagar-I, Rajivnagar-II leh Tuipuibari kuaah football, football goal net, volleyball, volleyball net, puantah khawl, tuizem, plastic chair leh dawhkân, school bag, bawlhhlawh báwm leh pedestal fan eng emaw zat an sem bawk.

27. **Saitual district VBSY nodal officer Deeraj Joshi** hoin DC conference room-ah sorkar scheme hrang hrangte a dawng tur dik tak hnena a thlen theihna atana hmalakna, Viksit Bharat Sankalp Yatra (VBSY) chungchang sorkar hotute'n an sawiho.

28. Hockey India chuan ram chhunga hockey player atangin India hmeihche junior team zawm tur a thlang a, heng zingah hian Mizo pathum - **Lalbiaksiami, Lunglei, Lalthantluangi, Kanghai South leh Lalrinpuii, Hnahtial** te an tel.

29. Central YMA chuan thuchhuah siamin, India sorkarin India leh Myanmar ramri hnaiha **Free Movement Regime (FMR)** tihbo a tum chu an duh lo a, thiah a nih loh nan theihtawpa hmalak an tum thu an tarlang. India leh Myanmar ramri hnaiha khuahkhirhna awm loa km. 16 chin thleng inkalpawh tawn theihna FMR sorkar laipuin tihbo a tum nia sawi chungchang hi CYMA chuan January 8, 2024-a an thutkhawmah an ngaihtuah a; thuchhuah an siam zui a ni.

30. India rama khawpui fai inelna, Swachh Survekshan 2023-ah New Delhi-ah lawmman sem a ni a; **Lunglei khawpuiin Clean City in the North East Zone Award** (below 1,00,000 population) a dawng a, **Aizawl khawpuiin Clean City Award a dawng bawk**. Khawpui fai intihsiak-naa lawmmante hi Bharat Mandapam Plenary Hall, Pragati Maidan-ah sem a ni a, result chu President Droupadi Murmu-i'n a tlangzarh.
31. Red Ribbon National Quiz Competition, Jaipur, Rajasthan-a neihah Mizoram atanga tel **Presbyterian English School, Republic Veng** zirlai pahnihte chu **pakhatna an ni a, lawmmanah Rs 1,00,000 an dawng**. Red Ribbon Quiz hi National AIDS Control Organization (NACO) leh Ministry of Health & Family Welfare buatsaih a ni a, Mizoramah chuan MSACS-in an buaipui. Nikum khan tan niin, district level intihsia kin bul tan a ni a, district-a pakhatna theuhte chu state level-ah an intihsia kin. State level-a pakhatnate chu regional level-ah state dang zirlaite nen an inel leh a, regional level-a champion-te chu national level-ah an intihsia kin leh a ni.
32. Lalthara-te Unau Foundation (LUF) chuan Aijal Club-ah **'Thilsiamte chantu pasaltha chawimawina'** an sem a; nungcha leh ramngawhumhalhnaa hma la tha mi paruk hnenahchawimawina thuziak leh Rs 1,00,000 theuh anhlam. Chawimawina dawngtute chu –
- Social & environment activist Vanramchhuangi
 - ASEP president K Lalmuansanga
 - Nungchate thla laa humhalhtu C Lalbiakza
 - Save Tlawng Project kalpuitu Romalsawma
 - Faina leh nungchahumhalha hma latu PC Lalnunzira
 - Ramsa thlalaa thing tiak 5,000 chuang phun tawhtu C. Lalsangpuia te an ni.
33. Mizoram State Agriculture, Horticulture, Forestry & Marketing Cooperative Federation Limited (MAHFED) hruaitute chuan chiefminister Lalduhoma a pisaah an kâwm a; CM chuan, **fertilizer dealer licence-te tihtawp (cancel) vek a nih dawn thu a lo hrilh**.
34. Mizoram University-a Census Data Workstation chu **Census Operations director Vinay Kumar-a'n** MZU Department of Geography and Resource Management-ah a hawng.
35. Covid-19 hripui lèn lai khan Chief Minister Relief Fund for Covid-19 ah mimal leh páwl hrang hrangin cheng nuai **3,138.45** an thawh a, Covid-19 kaihhnawih thil chi hrang hrangah cheng nuai **3,084.07** hman a ni a; July 25, 2023 dinhmun angin sum hman bâng Rs **54,37,881 a awm**. RTI Act tlawhchhana zawhna **Chief Minister's Office SPIO**-in a chhàn danin, CM Relief Fund for Covid-19 ah hian mi inphalte'n **Rs 31,38,45,636** an thawh khawm a, sum thawh khawm atang hian Covid-19 kaihhnawih chhawmdawlina leh tanpuina te, Covid-19 vanga thite râlna te, damdawi bungrua leh khawl hrang hrang lei nante **Rs 30,84,07,755** hman a ni.
36. YMA, Reiek Branch-in Rajya Sabha MP K Vanlalvena fund Rs **12,50,000**

hmanga an siam Reitlang Lungdawh chu January 13, Inrinni khanK Vanlalvena'n a hawng.Reitlang Lungdawh hi India leh Mizoram huapaReiek khaw mi, mi hming thate chawimawina lungphun a ni a; mi 31-te chawimawina lung phun niin, IAS, IFS, MCS, professor, politician, thuziakmi, hla phuah thiam leh zaithiamte bakah, Reiek khaw chhuak Mizorama mi langsar mi 31 an ni.

37. Sorkar laipua Ministry of Defence leh Mizoram State Cancer Institute, Aizawl chuan nimin khan Zemabawk Cancer Institute-ah Mizorama Ex-servicemen Contributory Health Scheme (ECHS) hamthatna dawngtute'n cancer natnaah enkawl na tha bik an dawn theih nan thawhhona thuthlung (Memorandum of Agreement) an ziak.Thawhhona thuthlungah hian ECHS, Guwahati Regional Centre director **Col. Jitender Mann** leh **MSCI director Dr Jeremy Lalrinsanga Pautu** ten hming an ziak. Inremna ang chuan, sipai báng leh an chungte damlo, ECHS Polyclinic, Aizawl leh ECHS Polyclinic, Lunglei atanga MSCI-a thawn (refer)-te chuan an ECHS card hangin a thlawnin enkawl na tha bik an dawng thei dawn a ni.

38. Chief minister Lalduhoma kaihhruaiin a pisaah sorkar hotute'n **Mizoram Forest Act** leh a kaihhnawih thil pawimawhte an sawiho. CMchuan, sorkar dan siam leh dan kalpuina kawng hrang hrangah mipui tana hriatthiam awlsambuatsaih a tul thu a sawi. Meeting-ah hian Protection of Riverine Act, 2023 leh Mizoram Forest Act kengkawh tur leh The Mizoram Forest Act pawh amendment document tam tak awm lote zawnga siamthat dan ruahmanna

nei turin Environment, Forest & Climate Change department an ruat; EFCC department kaltlanga hmalakna dangte an sawiho bawk.

39. Horticulture minister Prof. Lalnilawma leh Mizoram official thenkhatte chu mau hman tangkai dan zirin **Taiwan-ah an thang mek a**, Taiwan-ah mi pawimawh tak takte nen an inkawm bakah, mau hmun leh sawngbawina hmunte an tlawh.

40. Mizoram Member of Legislative Assembly (MLA) tling tharte tan New Delhi-aParliament building-ah Parliamentary Research and Training Institute for Democracies (PRIDE) chuan '**Orientation for Newly Elected Members of Mizoram Legislative Assembly**' tih thupui hmangin training an buatsaih a; MLA-a vawi khatna atana tling mi 23 an tel.

41. Kum 2023-2025 chhunga YMA kumpuan, '**Ram leh hnam humhalh**' tih chu January 16, Thawhlelni zan khan Central YMA president**Lalmachhuana'n** Vanapa Hall-ah a hawng a,CYMA hruaitute bakah Aizawla YMA branch 109atangin mi 500 vel an tel.

42. Chief minister Lalduhoma chu a pisaah International Fund for AgricultureDevelopment (IFAD) country director **Ulac Demiraq** leh a thawhpuite nen an inkawm a,FOCUS kaltlanga hmalakna an sawi dun. Ulac Demiraq chuan, IFAD-in FOCUS kaltlanga hma an lâk tawh dan te, an hlawhtlinna hmuh tawh te, hmabak an la neihte leh hna ankalpuinaa harsatna an tawhte Chief Minister a hrilh a; **FOCUS 2.0** an duan mek chu sorkar policy nen a inmil thu

sawiin, a hlawhtlin ngei theih nan tanpuina a dil a ni.

43. Serchhip district Competent Authority for Land Acquisition (CALA) **David Lalthantluanga**, bawrsap hoin sorkar hotu te, **NHIDCL** hotute leh khawtlang hruaitute an thukhawm. DC chuan, **NH-54** kawngpui laiha zangnadawmna la tawh, in la thiat duh lote chu kar hnih/khat hnuah nawr chhiatsak an nih dawn thu a sawi. NH-54 kawngpui laiha mekah hian Serchhip district-a zangnadawmna dawng tawh zingah a tam zawk chuan in an thiat tawh a, thiat lo mitlemtê an la awm.

44. Mizoram sorkar chuan Sinlung Hills Council (SHC) chief executive member (CEM) atan Suangpuilawn biala than tlin **Lalvenhima Hmar** a ruat a, executive member (EM) atan mi pali a ruat bawk. EM atana ruat mi palite chu - Sakawrdai South biala than tlin Lalremruata Varte, Khawlian biala than tlin K Hrangkunga, Saipum biala than tlin Lalrawngbawla leh Phuabuang biala than tlin Vanlalsiamsanga te an ni. SHC sorkar thar din chungchangah hian GAD chuan hriattirna a tichhuak.

45. Annual Status of Education Report (ASER) chuan ASER 2023 'Beyond Basics' an buatsaih chu nimin khan New Delhi-ah an tlangzarh. Aizawl district-ah tleirawl/thalai **kum 14-18** inkar zingah mahni puala smartphone nei **mipa 42.5% leh hmeichhia 40.8%** an awm tih tarlan a ni.

46. ASER in a tarlan danin, Aizawlah kum 14-18 inkar zinga

- **81.6%** chu zirna-inah mumal taka inziak lut an ni a,
- **50%** chu sorkar zirna-ina inziak lut an ni. Chutih laiin,

- **18.4%** chuzirna-inah an inziak lut lo.

Kum 17-18 inkar zingah zirna-in engah maha inziak lut lo **mipa 21.4% leh hmeichhia 15.5%** an awm a;

- 1.7% chu vocational training eng emaw berah an inziak lut.
- 22.2% chu survey neih hma thla khat chhungin ni 15 tal hna eng emaw (inchhung hna tih loh) an thawk a ni.

47. January 18 khan **CHANEM conference hall-ah kohhran hruaitute pualin zûk leh hmûam chungchang inzirtirna buatsaih a ni a**, state nodal officer Dr H Lianthangpuia'n a hmanpui. Mizoram mi cancer vei phaia thawn zingah zûk leh hmuam vanga cancer vei 85% an awm thu tarlan a ni. Zirhona tarlan danin, Mizo damlo phaia thawn (refer) zinga

- 92.23% chu zûk leh hmuam ti an ni a,
- 57.53% chu zûk leh hmuam kaih hnawih natna vanga thawn an ni.
- State pawna thawn zinga 34.32% chu cancer vei an ni a,
- cancer vei zinga 85% chu zûk leh hmuam vanga ni.
- Cancer damlo state pawna thawn zinga 75% chu zûk leh hmuam ti lo mahse an chhungte tih vanga vei an ni.

48. Union Health & Family Welfare minister Mansukh Mandavya chuan, Mizoram sorkarin tha taka Zoram Medical College a enkawla a kalpui theih nan a bik taka puihna, **special package** pek a nih tur thu a sawi.

